

**KANTONALNA  
PRIVREDNA  
KOMORA TUZLA**

**BROJ 11-12/22,  
novembar-decembar  
2022. godine**



# **KOMORSKI INFORMATOR**



# 2023

**SRETNU I USPJEŠNU 2023. GODINU ŽELI VAM  
KANTONALNA PRIVREDNA KOMORA TUZLA**



**ODRŽANE SJEDNICE  
KOMORSKIH TIJELA**



**NAJAVLJEN „28. LJETNI  
UNIVERZITET TUZLA“**



**Almir Mešić dipl. oec**  
sekretar Udruženja za građevinarstvo UJGM

**POVEĆANI OBIM  
PROIZVODNJE IZVOZ**



**Dino Kalesić**  
ISPIC

**SAJAMSKA 2022. GODINA**



## Komorski informator Uvod

Poštovani čitaoci!



Sajamske aktivnosti smo i u 2022. godini završili nastupom u Sarajevu. Održan 8. Sajam privrede, poljoprivrede i zanatstva & 45. Sajam roba široke potrošnje gdje smo također zabilježili uspješan nastup. U konačnici, zadovoljni onim što smo uradili kada su u pitanju sajamski nastupi. Znamo da je moglo i željeli smo više i bolje ali smo se uklapali u ono što je bilo realno i što je bilo moguće kvalitetno realizovati. Nadamo se da je posao odrađen na zadovoljstvo naših članica. Već smo počeli sa najavom sajamskih manifestacija u 2023. godini za koje se nadamo da ćemo realizovati i uspjeti obezbijediti nastup naših članica. Više o tome donosi rezime sajamskih aktivnosti u 2022. godini.

Značajni su i podaci koji govore i povećanju obima proizvodnje i izvoza u oblasti metaloprerađivačke i elektro industrije. I o tome smo izvještavali, govorili za medije, pišemo u našoj novini.

Donosimo i informacije o saradnji Komore i Univerziteta, iz Vlade Tuzlanskog kantona, te o aktivnostima u Komori.

Održan je Informativni sastanak sa predstavnicima World Bank Group. Kantonalna privredna komora Tuzla i kompanija Coral su organizirali događaj s ciljem prezentacije kompanija i privrede tog kantona na tržištu Evropske unije. Sa agencijom SERDA organizovali smo info dan 1. poziva za dodjelu grant sredstava "Challenge 2 Change 3 - fond za inovativne poslovne ideje". Održana je i trening radionica o ulozi usluga u ekonomskom razvoju, trgovini uslugama i međunarodnoj regulativi u okviru WTO, CEFTA 2006 i EU Acquis.

Posljednji broj Komorskog informatora za 2022. godinu donosi i niz informacija iz firmi naših članica: Sparkassebank, Multilab, Međunarodni aerodrom Tuzla, Nova banka, Hifa petrol...

Ostalo je samo da još i na ovom mjestu svima koji prate šta i kako radimo, čitaju to u Komorskom informatoru, poželimmo sreće i uspjeha u 2023. godini.

Zdravi i veseli bili!!!

Dino Kalesić  
gl. i odg. urednik



## Komorski informator Sadržaj

### KANTONALNA PRIVREDNA KOMORA TUZLA

### KOMORSKI INFORMATOR BROJ 11-12/22, novembar-decembar 2022. godine

#### IZDAVAČKI SAVJET:

1. Nedret Kikanović, član
2. Elvir Salihović, član
3. Izet Džananović, član
4. Suad Selimović, član
5. Edina Kurtić, član

#### REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

#### IZDAVAČ:

Kantonalna privredna  
komora Tuzla

#### GL. I ODGOVORNI UREDNIK:

Dino Kalesić

#### TEHNIČKA PRIPREMA, REPRO I ŠTAMPA:

GRIN d.o.o. Gračanica

#### ZA ŠTAMPARIJU:

Hariz Altumbabić, direktor

#### TIRAŽ:

500 primjeraka.

#### ADRESA:

Trg slobode bb  
e-mail: [kpktz.ba@bih.net.ba](mailto:kpktz.ba@bih.net.ba)  
<http://www.kpktz.ba>

	Saradnja Univerziteta i Komore	4 i 5
	Održane sjednice komorskih tijela	6
	Informativni sastanak sa predstavnicima World Bank Group	6
	"Usluge i trgovina uslugama"	7
	"Challenge 2 Change 3 - fond za inovativne poslovne ideje"	7
	Povećani obim proizvodnje izvoz	8
	Sajamska 2022. godina	9
	IC grijalice iz Multi Lab Shop-a	10
	„Privreda TK“ na sajmu u Sarajevu	11
	Najava sajamskih manifestacija	12 i 13
	Partnerstvo Sparkasse grupe u BiH i projekta USAID Turizam	14
	50. i 51. benzinska pumpa Hifa Petrol	15
	Nova banka: Štednja je dobra navika	16
	MAT dočeka prvi let kompanije Ryanair	17
	Iz Vlade Tuzlanskog kantona	18 i 19
	Dobitnici "Zvijezde turizma BiH" za 2022. godinu	20



Saradnja Univerziteta i Komore...

## Predstavници Univerziteta Tuzla u Komori

Zajednički rad na unaprjeđenju poslovnog ambijenta



Kantonalna privredna komora Tuzla bila je domaćin sastanka sa predstavnicima Univerziteta u Tuzli. Nedret Kikanović predsjednik Kantonalne privredne komore Tuzla sa najbližim saradnicima, razgovarao je sa delegacijom Univerziteta u Tuzli koju su sačinjavali Nermin Sarajlić prorektor za naučno-istraživački, Vesna Bratovčić prorektor za međuniverzitetsku saradnju u zemlji i inostranstvu i njihovi najbliži saradnici. Razgovaralo se o unaprjeđenju saradnje Univerziteta u Tuzli i Kantonalne privredne komore Tuzla s ciljem boljeg povezivanja visokog obrazovanja i tržišta rada. Predstavnici Univerziteta su upoznali predsjednika Kikanovića i njegove saradnike, sa planovima Univerziteta vezano za poboljšanje saradnje sa privrednim subjektima i razvojem karijernog usmjerenja studenata. Predložena je saradnja u organizaciji "Karijerne sedmice" u okviru "Ljetnog univerziteta 2023. godine" a u cilju što boljeg povezivanja studenata i privrede i izinalaženja načina za štokvalitetniji odgovor Univerziteta na potrebe i zahtjeve privrede i tržišta. Predsjednik Kikanović je izrazio zadovoljstvo zbog inicijative Univerziteta i izrazio spremnost Komore da se uključi u realizaciju ovog događaja. Također, kako je istaknuto na sastanku, Komora je na raspolaganju i za sve ostale aspekte saradnje sa Univerzitetom a koji će doprinijeti kako razvoju privrednih subjekata tako i razvoju obrazovanja i ostanku mladih ljudi u našoj zemlji. U narednom periodu će se na radnim sastancima konkretizirati daljnji koraci u realizaciji ovog projekta. Dogovoreno je da se u narednom periodu zajednički radi i na ostalim poljima u kojima Komora i Univerzitet mogu doprinijeti unaprjeđenju poslovnog ambijenta i kvalitetu života na području Tuzlanskog kantona.

## Najavljen „28. ljetni univerzitet Tuzla“

LJUT od 29.5. do 1.7.2023. godine - "Prva sedmica karijere" od 29. do 31.5.2023. godine



U Kantonalnoj privrednoj komori Tuzla, najavljena je manifestacija „28. ljetni univerzitet Tuzla“. Univerzitet u Tuzli kao organizator i Kantonalna privredna komora Tuzla kao suorganizator predstavili su značaj ove manifestacije za studente i privredu. Najavili su zajedničko djelovanje na stvaranju što boljih uslova za otvaranje novih radnih mjesta, razvoj privrede, osposobljavanje budućih radnika, sadašnjih studenata. Kako je najavljeno na konferenciji za novinare u Komori, "LJUT 2023" – „28. ljetni univerzitet Tuzla“, biće održan u periodu od 29.5. do 1.7.2023. godine u organizaciji Univerziteta Tuzla. Centralna tema „Ljetnog univerziteta“ je „Obrazovanje za održivi razvoj“. „Univerzitet u Tuzli je i do sada imao dobru saradnju sa Kantonalnom privrednom komorom Tuzla. Očekujemo da će saradnja na projektu "Prva sedmica karijere" donijeti čvršće veze, a samim tim i jače veze privrede i studenata. Namjera nam je da ovaj projekat bude prvi i tradicionalni i da iz njega iznjedrimo brojne



aktivnosti koje će prerasti u redovne aktivnosti u okviru obrazovanja a i u okviru stručnog usavršavanja studenata i njihovog zapošljavanja. Pored aktivnosti na umrežavanju privrede i studenata, želimo zajednički raditi sa privrednicima i na regulisanju zakonodavnih odredbi. Želimo da studentska praksa bude zakonski uređena, da riješimo pitanje volontiranja i radimo na izmjenama zakona, što bi u konačnici studente usmjerilo da postanu uspješni zaposleni mladi ljudi", rekla je Vesna Bratovčić prorektor za međuniverzitetsku saradnju u zemlji i inostranstvu na Univerzitetu u Tuzli.

U sklopu manifestacije „LJUT 2023“ predviđeni su brojni sadržaji koji će studentima, zaposlenicima i široj društvenoj zajednici omogućiti sticanje novih znanja i razvoj dodatnih vještina, umrežavanje, promociju naučno-istraživačkog rada, aktivizma, a sve to uz druženje, sport, umjetnost i zabavu. Komora će biti veza sa privrednicima, pokušati približiti dvije strane i posredovati u razmjeni informacija kako bi se došlo do što kvalitetnijih rješenja za proizvodnju kadrova koji trebaju privredi i to kvalitetnih, stručnih kadrova. „LJUT 2023“ počinje „Prvom sedmicom karijere“ koja će biti održana od 29. do 31.5.2023. godine. Ova manifestacija dešava se prvi puta na Univerzitetu u Tuzli, a biće realizovana u partnerstvu sa Kantonalnom privrednom komorom Tuzla i privrednim subjektima Tuzlanskog kantona.



„Kantonalna privredna komora Tuzla se uključuje u ovaj projekat a temeljem iskazanog interesa naših firmi članica. Privrednici okupljeni u komorska granska udruženja su iskazali interes da budu dio ovog projekta. Riječ je o interesu privrede, stvaranju mogućnosti da prepoznaju kadar koji će nositi razvoj privrede u narednom periodu. ubijedeni smo da je ovo dobar projekat, da će biti od velike koristi i za privredu i za studente i da će upravo sadržaji Prve sedmice karijere biti usmjereni kao ostvarivanju obostranih interesa“, izjavio je Nedret Kikanović predsjednik Kantonalne privredne komore Tuzla.



U sklopu „Prve sedmice karijere“ predviđene su brojne radionice, paneli i drugi sadržaji u cilju osiguravanja direktnog kontakta između privrednih subjekata, srednjoškolaca, studenata i akademske zajednice u cjelini. Neke od interesantnih aktivnosti usmjerenih na povezivanje studenata i poduzetnika su: karijerni korzo, brzi intervjui sa poslodavcima, susreti alumnista, promocije studentskih projekata, prezentacije uspješnih karijera, iskustva iz prakse, itd. Pored navedenog, Prva sedmica karijere će biti i mjesto otvorene diskusije o zakonodavnim rješenjima za promovisanje i unaprjeđenje pitanja vezanih za stručnu praksu, volontiranje, te usklađivanje obrazovanja sa potrebama tržišta rada.

„Radujemo se sadržajima manifestacije, prilikom da budemo sastavni dio radionica, panela, diskusija a sve u cilju napretka stručne prakse i upoznavanja sa onim što nas čeka po završetku studija. Vrlo značajan projekat, zadovoljstvo je bilo biti u svojstvu volontera a da je ovo ispravan put i dobar, koristan projekat, pokazuje i podatak da već imamo prijave velikog broja studenata koji žele biti volonteri. Pozivam sve studente i studentice da nam se pridruže i budu dio jednog kvalitetnog projekta“ rekla je Nura Hamzić studentica Univerziteta u Tuzli i volonterka na ovogodišnjoj manifestaciji „Ljetni univerzitet“. Kao znak spremnosti na zajedničko djelovanje, koordinirane aktivnosti i nastavak dugogodišnje saradnje, predstavnici Univerziteta u Tuzli i Kantonalne privredne komore Tuzla potpisali su Sporazum o saradnji u narednih pet godina.



Održane sjednice komorskih tijela...

## Usvojeni programi i planovi za 2023. godinu

Održane sjednice UO i Skupštine Komore



Održane su završne sjednice najviših komorskih tijela za 2022. godinu. Članovi Upravnog odbora Kantonalne privredne komore zaključili su godinu razmatranjem a potom davanjem Skupštini na usvajanje prvo Nacrta Programa rada a potom i Nacrta Finansijskog plana Kantonalne privredne komore Tuzla za 2023. godinu. Uz određene izmjene i dopune, oba dokumenta su usvojena i upućena Skupštini Komore na razmatranje i usvajanje. I članovi komorske Skupštine su na sjednici razmotrili i jednoglasno usvojili sve ponuđene dokumente pa su završne sjednice rezultirale donošenjem Programa rada i Finansijskog plana Kantonalne privredne komore Tuzla za 2023. godinu.

Svjetska banka na sastanku u Komori...

## Informativni sastanak sa predstavnicima World Bank Group

Razgovor o problematici radne snage



U Kantonalnoj privrednoj komori Tuzla održan je informativni sastanak sa predstavnicima World Bank Group. Razgovaralo se o problematici radne snage s akcentom na energetski sektor. Nedret Kikanović predsjednik Kantonalne privredne komore Tuzla sa saradnicom je ugostio Elizabeth Ruppert Bulmer iz Svjetske banke i njenu saradnicu iz Jobs odjela koji se bavi tržištem rada na globalnom nivou. Predsjednik Kikanović je goste upoznao sa strukturom privrede Tuzlanskog kantona, izazovima s kojima se privreda suočava, s akcentom na probleme nedostatka radne snage kao i aktivnosti koje Komora provodi kao servis privrednim subjektima, svojim članicama. Elizabeth Ruppert Bulmer je predstavila aktivnosti koje WBG – Jobs provodi u oblasti problematike tržišta rada s posebnim interesom u rudarskom i energetskom sektoru kao i energetskoj tranziciji koja u budućnosti čeka BiH a u svjetlu Pariškog klimatskog sporazuma. Razgovaralo se i o strukturi radne snage, potrebama tržišta i domaće privrede, mogućnostima osposobljavanja socijalno ranjivih kategorija kao i problemima odlaska ljudi te prelaska radnika iz jednih u druge privredne djelatnosti. Komora je iskazala spremnost za buduću saradnju na svim aktivnostima koje mogu unaprijediti poslovanje i kvalitet života na području Tuzlanskog kantona.

D.K.



Saradnja Komore i EU4TRADE projekta...

## “Usluge i trgovina uslugama”

U Bosni i Hercegovini uslužni sektor je najveći sektor ekonomije



U Kantonalnoj privrednoj komori Tuzla održana je trening radionica o ulozi usluga u ekonomskom razvoju, trgovini uslugama i međunarodnoj regulativi u okviru WTO, CEFTA 2006 i EU Acquis. Radionicu su organizirali EU4Trade projekat i Kantonalna privredna komora Tuzla, u saradnji sa Vanjskotrgovinskom komorom BiH, Federalnim ministarstvom za energetiku, rudarstvo i industriju i Federalnim ministarstvom za preduzetništvo i obrt. Usluge općenito, a trgovina uslugama posebno, imaju sve značajniju ulogu u osiguravanju ekonomskog

rasta i održivog ekonomskog razvoja, kroz stvaranje mogućnosti za veće dohotke, produktivnost, zapošljavanje, investicije i trgovinu, rečeno je na skupu. Efikasne usluge su od ključnog značaja za funkcionisanje moderne ekonomije u cjelini, kroz svoj doprinos produktivnosti i poljoprivrednog i industrijskog sektora. Nudeći nove mogućnosti pristupa tržištu i omogućavajući nabavku kvalitetnijih proizvoda, usluge se također pojavljuju kao novi pokretač međunarodne trgovine za zemlje u razvoju i tranzicijske zemlje, istakli su organizatori radionice. kako je rečeno, danas je sektor usluga najznačajniji sektor u svjetskoj privredi-sektor usluga dominira u globalnoj proizvodnji, dodatnoj vrijednosti i zaposlenosti, uz rastuću ulogu u međunarodnoj trgovini, investicijama i globalnim lancima vrijednosti. U Bosni i Hercegovini uslužni sektor je najveći sektor ekonomije koji stvara preko 65% dodate vrijednosti, zapošljava oko 50% radne snage, privlači 65% stranih direktnih investicija i stvara suficit u vanjskoj trgovini. Međutim, maksimiziranje pozitivnog doprinosa usluga zahtijeva adekvatne propise i politike, te jake institucije sposobne da stvore povoljno okruženje za razvoj sektora usluga i trgovinu uslugama, rečeno je na radionici “Usluge i trgovina uslugama” održanoj u Kantonalnoj privrednoj komori Tuzla.

## “Challenge 2 Change 3 - fond za inovativne poslovne ideje”

Info dan 1. poziva za dodjelu grant sredstava



Kantonalna privredna komora Tuzla i Sarajevska regionalna razvojna agencija SERDA organizovali su info dan 1. poziva za dodjelu grant sredstava “Challenge 2 Change 3 - fond za inovativne poslovne ideje”. Privredni subjekti iz Bosne i Hercegovine i Švedske sa inovativnim poslovnim idejama, proizvodima ili uslugama koje mogu dovesti do smanjenja nezaposlenosti, povećanja konkurentnosti i održivog društveno-ekonomskog razvoja u BiH, imali su priliku dobiti bespovratna sredstva iz Challenge fonda u okviru Prvog poziva za prijavu aplikacija. Za potencijalne aplikante na raspolaganju je bio budžet čiji je indikativni iznos 480.000,00 EUR. Mogućnost prijavljivanja na javni poziv provodio se isključivo putem online apliciranja na elektronski sistem za apliciranje i evaluaciju (eMSAE) koji se nalazio na web stranici [www.c2c.ba](http://www.c2c.ba), gdje je

bio dostupan i Vodič za aplikante, koji je sastavni dio Aplikativnog paketa. Projekt Challenge to Change 3.0 je trogodišnji projekt ukupne vrijednosti 3 miliona EUR, koji je finansirala Švedska. Projekt je implementirala Sarajevska regionalna razvojna agencija SERDA u partnerstvu sa Agencijom za razvoj preduzeća EDA. Partner u projektu je i Region Ostergotland, Istočna Švedska.

D.K.



Almir Mešić za RTVTK...


## Povećani obim proizvodnje i izvoz

Povećanje obima proizvodnje najviše u proizvodnji baznih metala 42% te 14% u proizvodnji električne opreme



Metaloprerađivački sektor je najjači i najuspješniji industrijski sektor, kako u BiH tako i kada je u pitanju privreda Tuzlanskog kantona.

Značajno je to da je ovaj sektor u najvećoj mjeri izvozno orjentisan, skoro 90 procenata i čini 25% ukupnog izvoza sa područja TK, pa time i podložan uticajima poremećaja na domaćem, regionalnom i međunarodnom tržištu. Tu se prije svega misli na Njemačku, Sloveniju, Austriju i Hrvatsku kao zemlje u koje se izvozi te na Srbiju, Italiju i opet Njemačku i Sloveniju kao zemlje iz kojih se najviše uvozi. O ovoj temi je za RTVTK govorio Almir Mešić sekretar udruženja za metaloprerađivačku i elektro industriju Kantonalne privredne komore Tuzla.



“Prema statističkim podacima za prvih 9 mjeseci ove godine a kada su u pitanju proizvodi ove industrije, došlo je do povećanja obima proizvodnje, najviše u proizvodnji baznih metala 42% te 14% u proizvodnji električne

opreme. Povećan je i izvoz pa je kod metalnih proizvoda u porastu za 38%. I u ostalim segmentima proizvodnje i izvoza zabilježen je rast za nekoliko procenata. Statistički podaci nagovještavaju oporavak ovog sektora nakon pandemije pa je za očekivati da se povećaju procenti i kada je u pitanju zapošljavanje u ovoj oblasti”, istakao je sekretar Mešić.

Govorio je ovom prilikom i o aktuelnim problemima i mogućnostima njihovog prevazilaženja u ovoj važnoj grani industrije koja na području TK zapošljava oko 5.500 radnika. “Problem predstavlja odliv radne snage iz BiH i TK, nedostatak kvalitetnog, edukovanog kadra na šta bi nadležni morali obratiti pažnju i poduzeti neophodne mjere. Potrebno je rasteretiti cjelokupnu privredu pa tako i metaloprerađivački sektor od fiskalnih i parafiskalnih nameta, smanjiti stope doprinosa. Neophodno je donijeti mjere i poduzeti konkretne korake ka olakšicama i podsticajnim mjerama za one firme koje izvoze, koje investiraju, koje su spremne ući u proces prekvalifikacije, dokvalifikacije, zapošljavati radnu snagu i tako je sačuvati u našoj zemlji. Kantonalna privredna komora Tuzla je kroz gransko Udruženje u kontaktu sa svojim članicama, nastojimo biti dobar servis, pružiti podršku, uputiti inicijative za pomoć privredi. Pozivamo sve naše članice da nam se obrate, da zajednički pokušamo rješavati probleme koji pritišću privredu. Da animiramo nadležne institucije da sa Komorom i našim članicama, zajednički kreiramo cikluse osposobljavanja radne snage, sve u cilju jačanja i opstanka firmi, očuvanja radne snage i stvaranja što povoljnijeg privrednog ambijenta na području Tuzlanskog kantona” zaključio je Almir Mešić sekretar udruženja za metaloprerađivačku i elektro industriju Kantonalne privredne komore Tuzla.

D.K.



Dino Kalesić za RTVTK...

## Sajamska 2022. godina

Rezime sajamskih manifestacija u 2022. godini za RTVTK



sajamske manifestacije „nisu preživjele“ pandemiju, nisu nastavile sa tradicijom i po nekoliko godina. Također, ono što raduje, dešavaju se i neke nove sajamske manifestacije, otvaraju se nova tržišta i nove mogućnosti direktnih kontakata privrednika. Mi u Kantonalnoj privrednoj komori Tuzla već prilično dugo pokušavamo obezbijediti nastup naših članica na što većem broju sajamskih manifestacija, promovirati proizvode i usluge, predstaviti naše firme i smatramo da to radimo na zadovoljstvo naših članica”, izjavio je za RTVTK Dino Kalesić rukovodilac Sektora za edukaciju, promociju, regionalnu saradnju i odnose s javnostima Kantonalne privredne komore Tuzla. U 2022. godini je na određenim sajamskim manifestacijama nastavljena višegodišnja tradicija zajedničke postavke pod nazivom „Privreda TK“, bilo je onih sajmovi na kojima se nije uspjelo nastupiti.

„Mi smo u konačnici zadovoljni onim što smo uradili. Znamo da je moglo i željeli smo više i bolje ali smo se uklapali u ono što je bilo realno i što je bilo moguće kvalitetno realizovati. Redovni smo učesnici sajmovi u Gračanici, Lukavcu i Gradačcu kada je u pitanju Tuzlanski kanton. U 2022. godini smo bili na novom sajmu u Gradačcu. to je “Lignum Expo Leb 2022” prvi međunarodni sajam šumarstva i šumarskih strojeva. Nakon duge pauze održano je i „Jagodarevo“ u Čelincu gdje smo također bili prisutni. Raduje nas da smo otvorili vrata sajmovi u Modriči, Tešnju, ponovo nastupili u Banjaluci. Od posebnog značaja za nas i naše privrednike je nastup i Bihaća na sajmu „Ekobis“ gdje smo redovni učesnici, gdje se tradicionalno predstavlja Privreda TK, gdje gajimo i jačamo međukomorsku saradnju sa Privrednom komorom USK. Kada su u pitanju nastupi u zemljama regije, imali smo značajan nastup na Sajmu turizma u Beograd i nakon nekoliko godina pauze, ponovo smo se pojavili na sajmu „Ambienta“ u Zagrebu. Nedostaje i nama i našim privrednicima nastup na sajmovima u Virovitici, Osijeku, Splitu, Bjelovaru, Zaječaru, Zrenjaninu, Sremskoj Mitrovici, Budvi, sajmovima Beogradskog sajma. To su sajamske manifestacije na kojima smo ostavili traga i nadamo se da će se u narednom periodu stvoriti uslovi za ponovo pojavljivanje na ovim sajamskim manifestacijama”, rekao je Kalesić dodavši da je želja u narednom periodu obezbijediti i nastupe na Sajmu privrede u Mostaru te Sajmu turizma u Kragujevcu. Sajamska godina završava sajmom u Sarajevu. „Kalendarski sajamske aktivnosti u godini završavamo nastupom u Sarajevu. Ove godine je održan 8. Sajam privrede, poljoprivrede i zanatstva & 45. Sajam roba široke potrošnje gdje smo također zabilježili uspješan nastup, obezbijedili prostor zahvaljujući dobroj saradnji sa organizatorom, Kantonalno javno preduzeće Centar Skenderija“, dodaje i pojašnjava koncept nastupa na sajmovima. „Vrlo je značajno pomenuti da sve prostore za zajedničku postavku „Privreda TK“ na sajamskim manifestacijama, obezbjeđujemo na principu kompenzacije. Organizatorima sajma nudimo promociju i najavu sajma putem naših kanala: Komorski informator, web stranica Komore, LED displej na zgradi komore i naš dnevni servi Vijesti iz privrede koji distribuiramo na više od 600 mail adresa u BiH, Srbiji, Hrvatskoj Crnoj Gori. Prostor koji dobijemo ustupamo našim članicama bez naknade, odnosno, u okviru članarine koju nam plaćaju i koja je po Zakonu o komorama u FBiH na dobrovoljnoj bazi. Dakle, našim članicama možemo ustupiti prostor, možemo za njih promovirati usluge i proizvode i biti kompletan servis našim članicama“, zaključuje za RTVTK Dino Kalesić rukovodilac Sektora za edukaciju, promociju, regionalnu saradnju i odnose s javnostima Kantonalne privredne komore Tuzla. Na zajedničkom izložbenom prostoru „Privreda TK“ komora predstavlja između 25 i 40 firmi svojih članica na jednom sajmu. Bez dodatnih troškova, na prostorima od oko 40 kvadratnih metara što je značajna ušteda za firme članice Komore. To dovoljno govori o značaju udruživanja u Komoru, o zajedničkom djelovanju, nastupu, ostvarivanju kontakata, novih tržišta, boljitka za firmu i stvaranja povoljnijeg poslovnog ambijenta za firme na području TK.

Sajamska industrija kao jedan od najznačajnijih vidova ostvarenja novih poslovnih kontakata, otvaranja novih tržišta, promocije proizvoda i usluga, krupnim koracima ide ka stanju pred početak pandemije. Nakon velikog udarca koji je pandemija nanijela ovoj industriji, bilježi se značajan oporavak, otvaranje novih i ponovno pokretanje nekih velikih i značajnih sajmovi koji su bili u „stand by“ stanju. Temeljem ove činjenice, otvaraju se i prilike za predstavljanje i promovisanje proizvoda i usluga firmi članica Kantonalne privredne komore Tuzla na brojnim sajmovima u Bosni i Hercegovini te zemljama regiona.

„Činjenica je da se, kako mi to volimo reći, sajmovi vraćaju na staro, i da se privreda vraća onom vidu saradnje koji se i pokazao kao najučinkovitiji a to je direktan kontakt. Bilježimo, nažalost, u zemlji i regiji i slučaje da pojedine

Amila Arnautović  
rtvtk



Iz firmi članica Komore...

## IC grijalice iz Multi Lab Shop-a

MULTI LAB d.o.o. Tuzla je prva privatna laboratorija koja ima za cilj unapređivanje i razvoj specijalističkog rada u oblasti kontrole kvaliteta i zdravstvene ispravnosti hrane, vode, hrane za životinje, kao i veterinarske medicine



Mob: +387 61 557 214  
Tel: +387 35 215 446  
+387 35 215 444

**MULTI LAB doo**  
Plane bb, 75000 Tuzla  
Bosna i Hercegovina



**Heliosa** grijalice koriste patentirani parabolni reflektor koji omogućava **30% jaču snagu** grijanja uz manju potrošnju struje.

+387 61 557 214  
+387 35 215 444

Plane, bb  
www.multilabshop.ba  
info@multilab.ba

Uz IC grijalice iz široke ponude MULTI LAB-a (www.multilabshop.ba) produžite boravak gostiju u Vašim baštama i tokom zimskih dana. IC grijalice, osim što pružaju do 60% uštede u odnosu na plinske grijalice, pružaju i komparativnu prednost u odnosu na druge, jer time produžavate rad dijela objekta koji se nalazi na otvorenom. Upotreba IC grijalica je moguća i u zatvorenim prostorima. MULTI LAB d.o.o. Tuzla je prva privatna laboratorija koja ima za cilj unapređivanje i razvoj specijalističkog rada u oblasti kontrole kvaliteta i zdravstvene ispravnosti hrane, vode, hrane za životinje, kao i veterinarske medicine. MULTI LAB d.o.o. Tuzla je opremljen savremenom laboratorijskom opremom i nudi vrhunsku uslugu mikrobiološkog i hemijskog ispitivanja, kao i ispitivanje rezidua u navedenim matriksima. Djelatnost laboratorija uključuje i analize ispravnosti predmeta opće upotrebe, što podrazumijeva radne površine, opremu pribor, te ruke osoba koje manipuliraju hranom, a sve u skladu sa važećim pravilnicima.

MULTI LAB d.o.o. Tuzla nudi sljedeće usluge:

- Mikrobiološka ispitivanja hrane, hrane za životinje, vode i predmeta opće upotrebe
- Fizičko-hemijske analize, ispitivanje rezidua i kontaminanata u hrani, hrani za životinje i vodi
- Dezinfekciju, dezinsekciju i deratizaciju (DDD mjere)
- Dijagnostiku zaraznih, parazitaranih i drugih bolesti životinja


Osim navedenog, MULTI LAB d.o.o. Tuzla nudi i stručne usluge, kao što su:

- Sanitarni pregledi,
- Kurs higijenskog minimuma
- Izrada nutritivne tablice
- Senzorička ispitivanja proizvoda
- Izrada studije roka valjanosti proizvoda

Koncept djelovanja MULTI LAB-a i poslovanja, zasniva se na simbiozi stručnog i sistematičnog pristupa potrebama klijenta i iznalaženja rješenja za izazove u poslovanju klijenta. Više o MULTI LAB-u pročitajte na www.multilab.ba.

Kako bi usluga prema klijentima bila potpuna, MULTI LAB d.o.o. Tuzla je proširio svoju djelatnost i na profesionalnu zaštitu od insekata za sve subjekte koji imaju problema u svojim objektima sa navedenim.

Koresteću adekvatnu i profesionalnu zaštitu, klijent osigurava higijensku zaštitu svojoj proizvoda, kako u proizvodnim pogonima, skladištima, tako i u kuhinjama, prostorijama namijenjenim gostima, ljetnim baštama i slično. Više o profesionalnim uređajima za neutralizaciju insekata, kao i sterilizacijskim uređajima pročitajte na www.multilabshop.ba.



Pružna neophodnu profesionalnu **higijensku kontrolu** insekata na osjetljivim mjestima kao što su ona gdje se vrši **priprema hrane**.

D.K.



Održan 8. sajam bh privrede u Skenderiji...

## „Privreda TK“ na sajmu u Sarajevu

Domaća proizvodnja ispred uvoza, jedini način da jačamo i razvijamo domaće brendove



U sarajevskoj Skenderiji, u Gradskoj dvorani "Mirza Delibašić", održan je 8. Sajam privrede, poljoprivrede i zanatstva & 45. Sajam roba široke potrošnje. Organizator sajma bilo je Kantonalno javno preduzeće Centar Skenderija. Ministar privrede Kantona Sarajevo Adnan Delić svečano je otvorio Sajam a organizatori su za manifestaciju otvaranja Sajma pripremili revijalni program u okviru kojeg je KUD "Bentbaša" odsviralo taktove tradicionalnih bosanskih pjesama - sevdalinki u vlastitoj obradi. Izlagačima i gostima se na obratio direktor Centra Skenderija Damir Petrić istakavši da je ovaj sajam posljednja ovogodišnja sajamska manifestacija u gradu Sarajevu, kao i da je koncept sajma zasnovan na promociji domaće proizvodnje i proizvođača. Ministar Delić istakao je da je Ministarstvo privrede KS u protekle dvije godine podržalo niz sajmova i poslovnih manifestacija, domaćih i međunarodnih, te da je generalno pokroviteljstvo sajma kojeg organizuje preduzeće iz resora privrede "tačka na i" u ovoj godini. Naglasio je i važnost domaće proizvodnje i podrške domaćoj proizvodnji. "Domaća proizvodnja, posebno u poljoprivredi i prehrambenoj industriji, nikad nije bila važnija nego danas. Kriza, prvo pandemijska, a onda i ova u Ukrajini, promijenila je perspektivu društva, pa sad čak i najveći zagovornici slobodne razmjene roba prepoznaju važnost očuvanja domaće proizvodnje. Danas je to imperativ i pitanje nacionalnog interesa, samostalnosti i nezavisnosti jer ako dođe do većih društvenih kriza prvo se zatvaraju granice, a mi ne smijemo zavisiti od uvoza hrane, moramo i možemo sami proizvesti dovoljno da pokrijemo sve naše potrebe", istakao je ministar. On je kao glavnu poruku s ovog sajma poslao poziv tržišnim lancima i distributerima hrane da se okrenu domaćim proizvođačima i da uvijek domaću proizvodnju stavljaju ispred uvoza, jer to je jedini način da jačamo i razvijamo domaće brendove.



Na ovogodišnjem sajmu učestvovalo je više od 260 izlagača s područja Bosne i Hercegovine. Dominirao je izložbeni prostor Ministarstva privrede KS koji se prostirao na 400 kvadrata. Predstavljeni su startupi osnovani uz podršku Ministarstva, poljoprivredni proizvođači iz sistema podsticaja Ministarstva i seoska domaćinstva koja su učestvovala u projektu prekogranične saradnje razvoja seoskog turizma za planinske destinacije kojeg je Ministarstvo realiziralo u saradnji s Republikom Crnom Gorom. Sarajevski sajam privrede je i ove godine bio značajan privredni događaj i mjesto je poslovnih, edukativnih i bilateralnih susreta. Najveća pažnja u okviru sajma bila je posvećena razvoju sektora malog i srednjeg poduzetništva, kao generatora regionalnog i lokalnog rasta i razvoja.

„Ovo je posljednji Sajam za Skenderiju u ovoj godini, ali mi već počinjemo raditi na pripremi svega što je potrebno za brojne sajamske aktivnosti u godini koja dolazi. Zahvaljujemo se svim izlagačima i svim posjetiocima, vjerujemo da su uživali i jedni i drugi. Cilj je bila razmjena iskustava i uvezivanje svih segmenata kako bi se na svaki mogući način doprijetilo razvoju bh. privrede“, poručuju iz sarajevske Skenderije.

„Privreda TK“ je i ove godine bila prisutna na sajmu u Sarajevu. Kantonalna privredna komora Tuzla je svoje sajamske aktivnosti i ove godine završila u Skenderiji, zajedničkom postavkom firmi članica Komore. Izložbeni prostor je i ove godine obezbijeden zahvaljujući izuzetno dobrim odnosima sa direktijom Sajma i Centrom Skenderija Postavku su činili: „Eko život“ Tuzla, „TQM“ Lukavac, „Terme Ozren“ Petrovo, „Golden tours“ Tuzla, „Centralno grijanje“ dd Tuzla, Turistička zajednica Tuzlanskog kantona, Turistička organizacija Grada Tuzla, „FinRa“ Tuzla, „Radius“ Gračanica, „Lović & CO“ Lukavac, „Portanaturae“ Srebrenik, „Aronija Okanović“ Tuzla, „Pašnjak“ doo Tuzla, „Nova banka“ Banjaluka PJ Tuzla, „Voćar“ Brčko, „Mlin Nezić“ Gradačac, „Fana“ Srebrenik, „Corn flips“ Srebrenik, „Piemonte“ Tuzla, Hotel „Vertigos“ Tuzla, Hotel „Tehograd“ Tuzla, „Borplastika Eko“ Tuzla, „Alpha smart energy“ doo Tuzla, „Yavuz company“ Srebrenik, „Wortmann Metal“ Tinja, „Cydonia“ Gračanica, MI „Prima VIP“ Orašje, „Tehno-Beton“ doo Gračanica, „MultiLab“ d.o.o. Tuzla, „Solana“ dd Tuzla.

Pripremo: Dino Kalesić



Najava sajamskih manifestacija...

## Pripreme za 44. Sajam turizma u Beogradu



Pozivamo privrednike, firme članice Komore, da se predstavite na predstojećem 44. Međunarodnom sajmu turizma na Beogradskom sajmu, koji će se održati od 23. do 26. februara 2023. Beogradski sajam turizma je najveća turistička manifestacija u Srbiji i jugoistočnoj Evropi. Skoro 40 godina ispunjava svjetske poslovne standarde, stvarajući partnerstva

sa izlagačima i privlačeći sve veći broj posjetilaca svake godine. 43. izdanje Međunarodnog beogradskog sajma turizma ove godine opravdalo je epitet najuspješnijeg i najvećeg turističkog događaja u regionu za sve učesnike i posjetioce. Uz prateće manifestacije: 12. Međunarodni sajam vina BeoWine, 17. Međunarodni sajam hotelsko-ugostiteljske opreme HORECA-OPREMA i 17. Sajam suvenira "Vidi Srbiju", događaj je pružio najbolji uvid u trenutno stanje u oblasti turizma, hotelijerstva i ugostiteljstva, i otvorio nove perspektive u razvoju turističke privrede. Pod sloganom "Između planina i mora" u halama Beogradskog sajma, turističku ponudu i smještajne kapacitete, kulturu i običaje, vina i specijalitete, predstavilo je više od 400 direktnih izlagača i suizlagača iz 25 zemalja. Zajedno sa poslovnim gostima ukupno je bilo prisutno 34 države i 32.115 posetilaca.

Mnoge nagrade i pohvale pokazuju da je ovo najuspješniji turistički događaj u Srbiji i jugoistočnoj Evropi. Od 2003. godine je član Udruženja evropskih turističkih sajmova - ETTFA. Njegov kvalitet "učinio je ovaj događaj članom" još jedne prestižne organizacije - Međunarodne asocijacije trgovinskih sajmova u turizmu - ITTFA.

Kantonalna privredna komora Tuzla je i na 43. sajmu turizma u Beogradu bila prisutna sa zajedničkom izložbenom postavkom pod nazivom Privreda TK. Izlagalo je više od 20 firmi članica Kantonalne privredne komore Tuzla i predstavili smo njihove proizvode i usluge.

## Beograd: 47. Međunarodni sajam građevinarstva SEEBBE, 2023



South-East Europe Belgrade Building Expo



Najveći sajam iz oblasti građevinarstva u regionu jugoistočne Evrope, 47. Međunarodni sajam građevinarstva SEEBBE biće održan od 24. do 27. aprila 2023. godine. Izlagački program obuhvata sve segmente građevinske djelatnosti: istraživanje i projektovanje, izgradnja i održavanje objekata, visokogradnja, niskogradnja, najsavremeniji materijali, građevinske mašine, uređaji i alati, informacione tehnologije, najsavremenije sisteme gradnje, opremanje objekata i enterijera. Nove investicije u regionu kao i lansiranje tehnoloških inovacija, naročito vezanih za održivu izgradnju, energetska efikasnost i efikasnost korišćenja resursa, uticaj na okolinu i zdravlje ljudi, materijali i procesi

budućnosti privlače veliki broj posetilaca zainteresovanih za komercijalnu i stambenu izgradnju i unutrašnje radove kako za novogradnju, tako i za renoviranje i modernizaciju.

**„Ako se pitate Zašto SEEBBE, odgovor glasi jer: SEEBBE je poslovno orjentisan i interaktivan, SEEBBE je praktično orjentisan i inovativan, SEEBBE je međunarodni, SEEBBE je inspirativan, SEEBBE je okrenut ka budućnosti! Pozivamo vas da ostvarite nove kontakte, predstavite svoje proizvode i inovacije, osvojite nova tržišta, ostvarite cilj i nađete inspiraciju za nove projekte. Budućnost građevinarstva je budućnost vašeg uspjeha!**

**Iskoristite sve prednosti moćne sajamske mreže za vaš uspjeh i na vrijeme rezervišite svoj izlagački prostor na sajmu SEEBBE 2023.**“

Poručuje Dejana Cahun rukovodilac projekta Sajma građevine Beogradskog sajma. Pozivamo naše članice i one koji žele pristupiti u članstvo Kantonalne privredne komore Tuzla, da nam se jave i da organizujemo zajedničku postavku "Privreda TK" na 44. Međunarodnom sajmu turizma i 47. Međunarodnom sajmu građevinarstva SEEBBE na Beogradskom sajmu.

Kontakt osoba: Dino Kalesić, mail: dino@kpktz.ba, tel: 035/369-562, mob: 061/164-311.

Pripremio: Dino Kalesić



Sajmovi jadranskog sajma...

## 48. Sajam hrane i Sajam turizma

Budva od 29.3. do 1.4.2023. godine

Ova tradicionalna izložba prehrambene industrije, poljoprivrede i pratećih industrija u kontinuitetu pruža izlagačima poslovnu platformu za plasman i promociju proizvoda i usluga. Prepoznatljiva je po promotivnim i komercijalnim rezultatima izlagača iz oblasti: poljoprivredne proizvodnje, prehrambene industrije, mediteranskih kultura, alkoholnih i bezalkoholnih pića, prerade ribe, industrije kafe, maslinovog ulja, pčelarstva i medarstva, organske hrane i konditorske industrije, od kojih se značajan broj upravo na Sajmu hrane po prvi put uspješno predstavio tržištu.

Najstarija manifestacija u organizaciji Jadranskog sajma, odobrena od strane Globalne sajamske asocijacije kao Ufi Approved Event, u kontinuitetu doprinosi uspostavljanju jakih i dinamičnih privrednih veza i aktivnosti između poslovnih subjekata i institucionalnih partnera na međunarodnom nivou.

Povezujući strateške privredne grane poljoprivredu i turizam, pružamo Vam mogućnost da u konkurentskoj atmosferi istaknete kvalitet Vaših proizvoda i unaprijedite poslovne rezultate. Paralelno sa Sajmom hrane organizovaće se Sajam turizma što predstavlja priliku izlagačima da iskoriste benefite sinergije sajamskih platformi. Tradicionalno prisustvo brojne publike predstavnik turističke privrede, medija i profesionalnih kupaca iz Crne Gore i regiona, uoči ljetnje turističke sezone, pruža mogućnost da na efikasan način, u kratkom vremenu ostvarite značajne komercijalne efekte.

## 45. Sajam namještaja, opreme za domaćinstva, poslovne prostore i unutrašnju dekoraciju

Budva od 29.3. do 1.4.2023. godine



Jadranski sajam već pola vijeka je mjesto okupljanja i promocije svih značajnih proizvođača namještaja iz Crne Gore i regiona, na kome izlagači predstavljaju svoje najnovije proizvode, kolekcije i trendove u dizajniranju namještaja, mjesto gdje se razmjenjuju informacije i ideje, njeguju postojeći poslovni kontakti i ostvaruju novi. Termin održavanja Sajma namještaja tradicionalno je vezan za pripremu turističke sezone, posebno za dio koji se odnosi na opremanje ugostiteljskih i smještajnih kapaciteta, što će izlagačima donijeti veću potražnju za njihovim proizvodnim programom, a samim tim i dobre poslovne rezultate. Sajam namještaja je međunarodnog karaktera, jedini nacionalni sajam u Crnoj Gori i najveći poslovni događaj u drvnoj industriji i industriji namještaja. Prisustvo kompanija i proizvođača iz inostranstva, kolektivni nastupi u organizaciji regionalnih i državnih privrednih komora te strukovnih udruženja i agencija, dodatno afirmišu međunarodni karakter Sajma.

Blagovremenim prijavljivanjem imate mogućnost da iskoristite paletu popusta koje nudi AD Jadranski sajam. Jadranski sajam, kao tržišna institucija sa snažnim promotivnim i prodajnim efektima, te kao pružalac usluga u sajamskoj industriji i dalje je u novim uslovima ostaje pouzdan partner privredi i društvenoj zajednici. Upravo na toj liniji Jadranski sajam i stoji na raspolaganju za Vaše inicijative, predloge i ideje u okviru planiranih sajmova u 2023 godini, i mogućih novih projekata koje vidite kao potrebne.

**Za dodatne informacije kontaktirajte nas na telefone: +382 33 410 400 ili na e-mail: sajam@jadranskisajam.co.me**

Očekujući Vašu prijavu za učešće želimo Vam puno uspjeha i srdačno Vas pozdravljamo.

D.K.



Iz firmi članica Komore...

## Partnerstvo Sparkasse grupe u BiH i projekta USAID Turizam



Sparkasse grupa u BiH, uključujući banku i leasing potpisali su Zajednički plan implementacije sa predstavnicima projekta "USAID Turizam" sa ciljem olakšanja pristupa finansiranju, povećanja konkurentnosti i razvoja turističkog sektora u BiH.

U okviru projekta, partneri će implementirati niz inicijativa na olakšavanju pristupa finansijama za investitore i poduzetnike u oblasti turizma u BiH kroz kreiranje i promociju specijaliziranih kreditnih i drugih proizvoda, ali i educiranje i podršku preduzećima da razvijaju kvalitetne projekte i prijedloge finansiranja, diverzificiraju svoje proizvode i unaprijede poslovno planiranje. Iz Uprava Sparkasse grupe u BiH saopćili su da je ovaj sporazum još jedna inicijativa izgradnje finansijskog zdravlja u zajednici u kojoj posluje, i to kroz podršku razvoju industrijama i sektorima koji su ključni za održiv rast ekonomije Bosne i Hercegovine. Sparkasse Banka i Sparkasse Leasing će se aktivno uključiti u projekat kroz kreiranje i promociju specijaliziranih bankarskih i leasing proizvoda, ali i finansijsko savjetovanje skrojeno prema potrebama turističke zajednice koje će im pomoći da razvijaju održive biznise.

## Otvorena 50. benzinska pumpa Hifa Petrol u Gradišci

Najuspješnija i najbržerastuća naftna kompanija u BiH



Najuspješnija i najbržerastuća naftna kompanija u BiH, Hifa Petrol je u Gradišci, na adresi Čatrnja 91, otvorila svoju jubilarnu 50. benzinsku pumpu. Najuspješnija i najbržerastuća naftna kompanija u BiH, Hifa Petrol, danas je u Gradišci, na adresi Čatrnja 91, otvorila svoju jubilarnu 50. benzinsku pumpu. Hifa Petrol je kompanija koja ima izuzetno veliku mrežu benzinskih pumpi, rasprostranjenih u 39 gradova širom Bosne i Hercegovine. Otvorenjem objekta u Gradišci, obezbijedeno je novih 9 radnih mjesta čime je broj zaposlenih u Hifa Petrolu premašio brojku od 480. U sastavu modernog maloprodajnog objekta Hifa Petrola nalazi se brendirana trgovina HP SHOP u kojoj nude široki asortiman robe, vlastitu liniju motornih ulja HG Line i mirisa HP Fresh, samouslužna autopraonica za teretna i putnička vozila, kafić i mjenjačnica. U svojoj ponudi Hifa Petrol korisnicima nudi visokokvalitetna HPLUS EURO 6 premium goriva obogaćena aditivima najnovije generacije koja svakom vozilu donose vrhunske performanse, smanjenu potrošnju do 4%, veću snagu, te smanjenu emisiju štetnih gasova. U ponudi je i HPLUS BMB 100 Racing gorivo, visokooktansko gorivo maksimalnih performansi i snage. Kompanija Hifa Petrol posjeduje vlastiti program lojalnosti Premium Card u kome svi vlasnici Premium kartice svakodnevno ostvaruju

pogodnost od 3% povrata na proizvode iz HP shopa, a u danima vikenda kupovinom HPLUS EURO 6 premium goriva, povrat novca po utvrđenoj skali i do 0,09 KM/L. Premium Card broji preko 170.000 zadovoljnih korisnika i sa razlogom nosi slogan Vraća novac i osmijeh na lice, a to potvrđuje i broj zadovoljnih korisnika koji svakim danom raste. Također, sve vlasnike Premium Card koji na svojoj kartici sakupe 50 KM natočenog HPLUS Euro 6 premium goriva, Hifa Petrol daruje gratis pranjem automobila. "Veoma smo ponosni na otvorenje našeg 50-og objekta u Gradišci. Objekat je rađen po najsavremenijim standardima moderne gradnje, kao i svi objekti Hifa Petrola. Benzinska pumpa u Gradišci nam je od velikog značaja, obzirom da je pozicionirana na veoma značajnoj prometnici i u blizini graničnog prijelaza sa Hrvatskom. Realizacija naših zacrtanih ciljeva neometano teče te sa zadovoljstvom najavljujemo skoro otvaranje nove poslovnice u Hercegovini", istakao je u svom obraćanju Ahmed Ahmetlić, predstavnik Hifa Petrola. Početak rada nove poslovnice obilježili su društveno odgovornim angažmanom u lokalnoj zajednici, kroz donaciju od 2.000 KM udruženju "MNRL" iz Gradiške, udruženju koje okuplja djecu i mlade sa poteškoćama u psihofizičkom razvoju, te njihove roditelje i staratelje. Osim goriva premium kvalitete, prijatnog ambijenta, bogatog asortimana proizvoda, ekskluzivnih artikala iz uvoza, te ponude osnovnih životnih namirnica, kupci mogu uživati i u vrhunskoj kafi za ponijeti, dostupnoj na svim Hifa Petrol benzinskim pumpama. Pod sloganom Najbolji prijatelj na putu, Hifa Petrol nastavlja sa ispunjavanjem strateških ciljeva, a to su zadovoljni zaposlenici, kupci i poslovni partneri, te nastavak širenja vlastite maloprodajne mreže. Po dugogodišnjoj tradiciji Hifa Petrola, povodom otvaranja benzinske pumpe prvih 500 kupaca nagrađeno je gratis HPLUS EURO 6 premium gorivom u vrijednosti od 20 KM. Radno vrijeme novootvorene benzinske pumpe je 00-24h.



## U Ljubuškom otvorena 51. Hifa Petrol benzinska pumpa



Najuspješnija i najbržerastuća naftna kompanija u BiH, Hifa Petrol je otvorila svoju 51. benzinsku pumpu u Ljubuškom. Od svog nastanka 2005. godine do danas, Hifa Petrol konstantno raste. Trenutno su rasprostranjeni u 40 gradova širom Bosne i Hercegovine i nemaju namjeru stati, te najavljuju otvorenja novih objekata i u narednoj godini. Novootvorena benzinska pumpa nalazi se na adresi Antuna Gustava Matoša 47. Njenim otvorenjem obezbijedeno je novih 6 radnih mjesta čime je broj zaposlenih u Hifa Petrolu premašio brojku od 480. U sastavu modernog maloprodajnog objekta Hifa Petrola nalazi se brendirana trgovina HP SHOP u kojoj nude široki asortiman robe, vlastitu liniju motornih ulja HG Line i mirisa HP Fresh, kafić i mjenjačnica.


Također, sve vlasnike Premium Card koji na svojoj kartici sakupe 50 KM natočenog HPLUS Euro 6 premium goriva, Hifa Petrol daruje gratis pranjem automobila. "Zadovoljstvo potrošača nam je na prvom mjestu i naši kupci su nam najveći prioritet. Stoga, osluškajući njihove potrebe nastavljamo sa procesom razvoja maloprodajne mreže i u narednoj godini", istakao je u svom obraćanju Ahmed Ahmetlić, predstavnik Hifa Petrola. Hifa Petrol kroz projekte društvene odgovornosti aktivno učestvuje u pomaganju lokalnoj zajednici. Ovog puta pomoć su pružili udruženju "Duga" iz Ljubuškog sa donacijom od 2.000 KM. Udruženje "Duga" okuplja djecu i mlade sa posebnim potrebama, te njihove roditelje i staratelje. Pod sloganom Najbolji prijatelj na putu, Hifa Petrol nastavlja sa ispunjavanjem strateških ciljeva, a to su zadovoljni zaposlenici, kupci i poslovni partneri, te nastavak širenja vlastite maloprodajne mreže.

Po dugogodišnjoj tradiciji Hifa Petrola, povodom otvaranja benzinske pumpe prvih 200 kupaca nagrađeno je gratis HPLUS EURO 6 premium gorivom u vrijednosti od 20 KM. Radno vrijeme novootvorene benzinske pumpe je 00-24h.

Iz Gradske uprave...

## Grad Tuzla ukida takse za registraciju samostalne djelatnosti

Unapređenje ambijenta poslovanja i smanjenje nezaposlenosti



Građani koji pokrenu postupak za registraciju samostalne djelatnosti u kalendarskoj 2023. godini, biti oslobođeni obaveze plaćanja propisane administrativne takse za registraciju iste. U cilju unapređenja ambijenta poslovanja i smanjenja nezaposlenosti, te davanja podsticaja za registraciju samostalnih djelatnosti (trgovinskih, ugostiteljskih, obrtničkih), na području grada Tuzle, vršilac dužnosti gradonačelnika, Zijad Lugavić, utvrdio je prijedlog Odluke privremenom oslobađanju plaćanja administrativne takse za izdavanje odobrenja za registraciju svih vrsta samostalnih djelatnosti na području grada

Tuzle za 2023. godinu i uputio ga Gradskom vijeću na razmatranje i usvajanje. Ovom Odlukom će građani koji pokrenu postupak za registraciju samostalne djelatnosti u kalendarskoj 2023. godini, biti oslobođeni obaveze plaćanja propisane administrativne takse za registraciju iste. Fizička lica koja kod nadležne Službe za ekonomski razvoj, poduzetništvo i poljoprivredu Grada Tuzle, u periodu od 04.01.2023. godine do 31.12.2023. godine, pokrenu postupak za izdavanje odobrenja za obavljanje samostalne djelatnosti, bit će oslobođeni obaveze plaćanja administrativne takse propisane Odlukom o administrativnim taksama i Tarifom općinskih administrativnih taksi ("Sl. glasnik Općine Tuzla", br. 7/12, 8/12, 10/19 i 6/21) u 100% iznosu. "U cilju unapređenja ambijenta poslovanja i smanjenja nezaposlenosti, te davanja podsticaja za pokretanje samostalnog biznisa na području grada Tuzle, odlučili smo proširiti postojeći model podrške i set mjera Grada Tuzle usmjerenih na sektor podrške i zapošljavanja. Ova Odluka vezana je i za globalnu ekonomsku krizu, rast cijena osnovnih životnih namirnica i svih drugih cijena života i rada kao i potrebe motivisanja nezaposlenih građana, da kroz samostalnu djelatnost privređuju i da sebi i svojoj porodici ostvare prihod za egzistenciju. Stoga je i proizašao prijedlog da se svi subjekti koji pokrenu postupak za registraciju samostalne djelatnosti u kalendarskoj 2023. godini, oslobode obaveze plaćanja propisane administrativne takse u 100% iznosu", izjavio je vršilac dužnosti gradonačelnika Tuzle, Zijad Lugavić. Posebno ističe da je izvršenom analizom o visini administrativnih taksi koje se plaćaju za izdavanje odobrenja za registraciju samostalnih djelatnosti na području Tuzlanskog kantona, utvrđeno da Grad Tuzla ima najniže iznose taksi za registraciju djelatnosti i prva je lokalna zajednica koja oslobađa građane od plaćanja takse u navedenim postupcima. "Na ovaj način želimo i dodatno stimulirati građana i građanke za registraciju samostalnih djelatnosti", poručio je.





Iz firmi članica Komore...

## Nova banka: Štednja je dobra navika

Nova banka pripremila akcijsku ponudu za štediše



Pod sloganom „Štednja je dobra navika“ i po veoma povoljnim uslovima, Nova banka pokrenula je kampanju za promociju klasične oročene štednje. Period oročenja štednog uloga klijenti biraju sami, kao i valutu u kojoj će se ulog iskazati. Kao posebna pogodnost ističe se mogućnost apliciranja za klasičnu oročenu štednju putem web stranice Nove banke, čime se ostvaruje dodatni benefit kroz uvećanje redovne kamatne stope i do 0,70 procentnih poena. Za klijente koji štedne uloge žele oročiti na određeni rok, Nova banka nudi mogućnost višekratnih uplata na račun štednje, prema finansijskim mogućnostima koje klijent ima u toku trajanja oročenja. Isplata kamate može se vršiti unaprijed, za cijeli period oročenja, a može se

odabrati i njena isplata mjesečno, kvartalno, polugodišnje, godišnje ili po isteku oročenja. Više informacija o akcijskoj ponudi klasične oročene štednje, kao i ostale informacije o Banci i njenim proizvodima i uslugama, klijenti mogu potražiti na web stranici [www.novabanka.com](http://www.novabanka.com) ili u poslovnicama Nove banke.

## Nova banka studentima pružila priliku za stručnu praksu

Potpisivanjem Ugovora o obavljanju stručne prakse ostvaruje se značajna saradnja sa privredom



Studenti Ekonomskog fakulteta Univerziteta u Banjoj Luci, u akademskoj 2022/2023. godini, tokom zimskog i ljetnog semestra, dobiće priliku da obavljaju stručnu praksu u Novoj banci AD Banja Luka. To su svojim potpisima potvrdili dekan prof. dr Milenko Krajišnik i članovi Uprave Nove banke Jasna Zrilić i Nenad Nenadić. Za petnaest studenata upriličen je prijem tokom kojeg im se obratio predsjednik Uprave Nove banke Siniša Adžić. Budućim diplomiranim ekonomistima predstavljena je organizaciona struktura, te su upoznati sa vrijednostima koje Banka njeguje, a koje se ogledaju u brizi prema klijentima, integritetu, razvoju zaposlenih, timskom radu i dugoročnom partnerstvu. Prema planu i programu obavljanja naučno-stručne prakse, planirane su brojne aktivnosti koje su studentima neophodne za sticanje znanja, vještina i kompetencija iz oblasti ekonomije i menadžmenta te poslovne informatike.

„Potpisivanjem Ugovora o obavljanju stručne prakse ostvaruje se značajna saradnja sa privredom, a nadalje u korist studenata. U tom smislu, potpisivanje Ugovora između Nove banke AD Banja Luka, kao našeg dugogodišnjeg partnera, i Ekonomskog fakulteta svakako doprinosi nastavku saradnje. Stručna praksa je predviđena tokom prvog ciklusa studija, za studente treće i četvrte godine“, izjavio je prof. dr Milenko Krajišnik.

Od osnivanja, pa do danas, Nova banka se kontinuirano zalaže za jačanje saradnje sa obrazovnim institucijama kroz realizaciju komercijalnih i društveno odgovornih projekata, te unapređenje uslova studiranja.

D.K.



Iz firmi članica Komore...

## MAT dočekao prvi let kompanije Ryanair



Na Međunarodnom aerodromu Tuzla je dočekan prvi let kompanije Ryanair na relaciji Beč – Tuzla – Beč. Obilježen je i početak dodatne dvije relacije ove kompanije Stockholm – Tuzla – Stockholm i Memmingen - Tuzla – Memmingen. Nakon što je avion uspješno sletio, te svečano presječena crvena vrpca, održana je konferencija za medije na kojoj je direktor Međunarodnog aerodroma Tuzla Dževad Halilčević rekao:

- Posebno nam je zadovoljstvo bilo dočekati prvi let aviokompanije Ryanair, našeg strateškog partnera. Naša očekivanja su dugoročna i međusobno uspješna saradnja. Uzimajući u obzir mrežu letova, broj i raznolikost destinacija koje leti Ryanair, aerodrom Tuzla zasigurno postaje značajan faktor zračnog saobraćaja u BiH, kao i u širem okruženju. Strateški položaj aerodroma imao je presudan značaj za

dosadašnji razvoj TK, BiH, i šireg regiona. Tri destinacije na kojima će operisati Ryanair u zimskom periodu letenja 22/23 mi vidimo kao prvi korak u uspostavi mnogo šire mreže letova a koja će osim dosadašnjih, pretežno putnika koji posjećuju prijatelje i porodicu, stimulirati razvoj turizma i stvarati poslovne prilike na novim destinacijama. Uvođenje letova kompanije Ryanair rezultat je saradnje Međunarodnog aerodroma Tuzla i USAID projekta Razvoja održivog turizma na privlačenju avioprevoznika i proširenju postojećih ruta. Zamjenik direktora Ureda za ekonomski razvoj USAID /BiH Erol Mujanović je rekao:

- Na globalnom nivou, zračna putovanja čine više od polovine svih dolazaka stranih turista, što ih čini ključnim za ekspanziju turističke industrije. Kao najveći niskotarifni avioprevoznik koji leti za Tuzlu, Ryanair će donijeti pozitivne pomake, koji su zabilježeni u drugim zemljama u kojima je Ryanair uveo letove.

Zadovoljstvodomadajem izrazio je i ministar trgovine, turizma i saobraćaja Mustafa Šakić, naglasivši da Vlada TK, koja je prepoznala potrebe aerodroma i TK, ostaje partner Međunarodnom aerodromu Tuzla u želji da se dalje razvija.

Kao rezultat brze ekspanzije Ryanaira, broj međunarodnih turista u zadnje dvije decenije je drastično porastao. Ryanair je poboljšao dostupnost manjih, sekundarnih turističkih destinacija. Kako bi omogućili putnicima da rezervišu letove za zimski odmor pokrenuta je rasprodaja sjedišta po samo 19,99 eura za putovanja od novembra 2022. do kraja marta 2023. godine.

Prezentacija u Komori...

## Predstaviti bh privredne potencijale

Prezentacija na tržištima Austrije, Švicarske i Njemačke



Kantonalna privredna komora Tuzla i kompanija Coral su organizirali događaj s ciljem prezentacije kompanija i privrede tog kantona na tržištu Evropske unije. Generalni menadžer tvrtke Coral Zdenko Štriga kaže da su ustanovili veliki privredni potencijal na području BiH, što žele u prezentaciji i publikaciji koju će izdati predstaviti na tržištu od 100 miliona stanovnika. „Evropa traži nove destinacije kroz krizu koja je nastala. Prva kriza je bila kroz pandemiju i sada kriza kroz rat, došlo je do toga da je Evropa shvatila da je ovisna o nekim državama i sad traži nove destinacije u proizvodnom sektoru. Tu je Bosna i Hercegovina idealna za takve mogućnosti i tu se treba vidjeti taj potencijal i da se što bolje prezentira na tom tržištu“, kazao je Štriga. Želja je da se potencijal BiH predstavi na tržištima Austrije, Švicarske i Njemačke, što je područje od 100 miliona stanovnika.

„U samoj publikaciji želimo predstaviti potencijale BiH, a svaki kanton u toj publikaciji ima svoje mjesto. BiH ima idealne mogućnosti u drvnoj i metalo-prerađivačkoj industriji, a kada gledamo i samu zelenu energiju koja se dobro finansira iz određenih EU fondova i sve su to veliki potencijali koji se trebaju iskoristiti. Prerađivačka industrija je veoma tražena u EU“, ističe Štriga. Najavljuje da će publikacija biti upućena na adrese 213 privrednih komora u Njemačkoj, Švicarskoj i Austriji te na nekoliko stotina adresa najrelevantnijih privrednih i finansijskih institucija tih država.

D.K.



Iz Vlade Tuzlanskog kantona...

## Održana radionica o digitalizaciji u malim i srednjim preduzećima

Istaknute ključne koristi koje digitalna transformacija donosi malim i srednjim preduzećima




Ministarstvo privrede Tuzlanskog kantona bilo je suorganizator događaja kojem je cilj podizanje svijesti o važnosti digitalne transformacije malih i srednjih preduzeća. Kroz razmjenu iskustava i znanja istaknute su ključne koristi koje digitalna transformacija donosi malim i srednjim preduzećima te je razgovarano o barijerama koje stoje na putu digitalizaciji poslovanja. Na radionici je predstavljen koncept softverskih rješenja čijom se primjenom mogu smanjiti operativni troškovi, poboljšati poslovni procesi, produktivnost zaposlenih i efikasno upravljati resursima. Domaćini iz Njemačkog centra za robotiku (DKR) ovom su prilikom ponudili neke od načina za uklanjanje ovih barijera. Mala i srednja preduzeća kao okosnica razvoja privrede u ekonomiji svake zemlje kako bi osigurala opstanak, ali i ostvarila rast u vrijeme ekonomske krize, naglašeno je, moraju se bazirati na inovacijama, internacionalizaciji,

prihvatanju novih tehnologija i ulaganju u visokoobrazovane, motivirane i inovativne ljudske resurse kao ključni faktor ekonomije zasnovane na znanju, još jednom je istaknuto.

Organizaciju radionice omogućio je projekat "Inovacije i digitalizacija u malim i srednjim preduzećima u Bosni i Hercegovini", finansiran od strane Saveznog ministarstva za ekonomsku saradnju Savezne Republike Njemačke a implementira Deutsche Gesellschaft für Internationale Zusammenarbeit (GIZ) GmbH. Značajan doprinos i podršku u održavanju ove radionice je dalo Ministarstvo privrede Tuzlanskog kantona, Fondacija za inovacije, tehnologiju i transfer znanja i Njemački centar za robotiku (DKR).

## Skoro 11 miliona Eura za mjere energetske efikasnosti u 200 javnih objekata u TK

Program energetske obnove zgrada javne namjene



Mandatno pismo i Pismo namjere, čime je izražena spremnost da se i konkretno pokrene Program energetske obnove zgrada javne namjene u nadležnosti Tuzlanskog kantona su svečano potpisali premijer Tuzlanskog kantona Irfan Halilagić, ministar finansija TK Suad Mustajbašić, šefica Evropske banke za obnovu i razvoj (EBRD) u Bosni i Hercegovini Manuela Naessli i rezidentna predstavnik Razvojnog programa Ujedinjenih nacija (UNDP) za Bosnu i Hercegovinu Steliana Nedera. Radi se o projektu rekonstrukcije u svrhu energetske efikasnosti u 200 javnih zgrada na području Tuzlanskog kantona. Potpisanim Mandatnim pismom i Pismom namjere potvrđena je zainteresovanost EBRD-a da osigura dugoročno finansiranje, u obliku izuzetno povoljnog nacionalnog kredita u iznosu od 8 miliona eura i dodatnih 2 miliona eura bespovratnih sredstava za finansiranje projekta, te podrška UNDP-a u iznosu od 800.000 eura za pripremu i provedbu projekta. „Potpisanim dokumentima Vlada Tuzlanskog kantona, EBRD i UNDP u Bosni i Hercegovini izražavaju svoju opredijeljenost da udruže napore u rješavanju nekih od neposrednih implikacija globalnih klimatskih promjena, tako što će zajedničkim djelovanjem ukazati na relevantnost i potencijal poboljšanja



energetske efikasnosti u javnim zgradama koje su u nadležnosti Tuzlanskog kantona”, kazao je premijer Halilagić, te se još jednom zahvalio predstavnicima EBRD-a i UNDP-a na prepoznavanju ove potrebe i ukazivanju povjerenja Tuzlanskom kantonu. Direktorica Nesl se zahvalila Vladi TK i premijeru Halilagiću na susretljivosti i gostoprimstvu, te izrazila zadovoljstvo činjenicom da je Tuzlanski kanton prepoznao značaj i vrijednost ovog ulaganja. „Mi, kao Banka smo spremni podržati projekte sa zelenom agendom, a ulaganje u energetske efikasnost je jedan od učinkovitijih modela. Do sada imamo pozitivna iskustva sa sličnim projektom u Kantonu Sarajevo i nadamo se pozitivnom ishodu i u Tuzlanskom kantonu. Jako nam je važno da ovaj projekt bude rezultat koordinisanih napora Kantona, EBRD-a, UNDP-a i drugih donatora”, kazala je direktorica Nesl, te izrazila nadu da će se u narednom periodu raditi još intenzivnije na pripremi svih komponenti projekta i već naredne godine započeti njegova implementacija. „UNDP u BiH je sa velikim zadovoljstvom danas svjedočio potpisivanju Mandatnog pisma između EBRD-a i Tuzlanskog kantona, kao i pristupio zajedničkom potpisivanju Pisma namjere. Čestitamo Vladi Tuzlanskog kantona na realizaciji ovog važnog programa. Tim UNDP-a je nekoliko godina radio sa Vladom Tuzlanskog kantona na pripremi dokumentacije za ovaj napor, što je rezultiralo planom da se provedu mjere energetske efikasnosti u 200 javnih objekata u Tuzlanskom kantonu kroz kredit EBRD. Pored toga, UNDP će obezbijediti 800.000 eura grantova i tehničku podršku za implementaciju. Prelazak u zelenu budućnost je za nas veoma važan i sretni smo što smo dio ovih napora”, kazala je rezidentna predstavnik UNDP-a za Bosnu i Hercegovinu Steliana Nedera. Potpisnice UNFCCC konvencije i Pariškog sporazuma, kao i zemlje koje su potencijalni kandidati za pridruživanje EU i zemlje kandidati iz zapadnog Balkana nalaze se u ključnoj tački gdje moraju biti ambicioznije u pogledu svojih klimatskih akcija. Potrebno je učiniti više da se drastično smanji emisija štetnih gasova i da se ne pređe crvena linija porasta temperature od 1,5 stepeni. Energetska efikasnost ostaje preferirani, povoljniji, mehanizam za smanjenje potražnje bez žrtvovanja ekonomske aktivnosti.

## Vlada će iznaći način da dodatno pomogne poljoprivredne proizvođače

Podrška poljoprivrednim proizvođačima iznosi rekordnih 11,5 miliona KM



I pored izdašne podrške koju je Vlada Tuzlanskog kantona ove godine osigurala za podršku poljoprivrednim proizvođačima, a koja, podsjećamo, iznosi rekordnih 11,5 miliona KM, zbog ekonomskih kretanja, inflacije, ali i prirodne nepogode – suše koja je pogodila cijelo područje jugoistočne Europe, poljoprivredni proizvođači suočili su se sa dodatnim izazovima za očuvanje nivoa svoje poljoprivredne proizvodnje. S tim u vezi su premijer Tuzlanskog kantona Irfan Halilagić i ministar poljoprivrede, šumarstva i vodoprivrede Emir Begić upriličili sastanak sa predstavnicima proizvođača mlijeka predvođenim sekretarom Udruženja za poljoprivredu i prehrambenu industriju u Kantonalnoj privrednoj komori Suadom Selimovićem. „Na Tuzlanskom kantonu mi proizvodimo blizu 30 miliona litara mlijeka godišnje, što je trećina ukupnih potreba kantona za ovim proizvodom. To pokazuje da prostora za dalji razvoj itekako ima”, kazao je Selimović. Pojašnjavajući stanje u mljekarstvu, predsjednik udruženja mljekara u TK Edin Glibanović ističe da je u našem kantonu registrovano 1350 gazdinstava u obrtu, te da je po pet članova porodica angažirano u obrtu, što je, gledajući zbirno, sa skoro 7.000 radnih mjesta i najveća fabrika u kantonu po broju radnih mjesta. „Ova godina je po mljekare krenula izuzetno loše, poskupljenja koja su nastupila u svim našim ulaznim parametrima usložila su se sušom koja je prepolovila prinose za oko 50%. Također, ogromne su štete i od divljih svinja i sve se to direktno odražava na našu proizvodnju. Stoga želimo zamoliti Vladu da nam dodatno pomogne da očuvamo proizvodnju i naš stočni fond. Mlijeko

je esencijalna namirnica za život naših građana i nemojmo dozvoliti da u toj namirnici toliko ovisimo o uvozu”, pojasnio je Glibanović. Premijer Halilović i Ministar Begić su iskazali razumijevanje za situaciju u kojoj se nalaze svi poljoprivredni proizvođači uključujući i mljekare, posebno imajući u vidu da se približava vrijeme jesenje sjetve, te da je neophodna podrška kako bi farmeri mogli proizvesti neophodnu hranu za stoku.

„Nažalost i u ovoj oblasti su nadležnosti podijeljene između kantonalnog, federalnog i nivoa lokalnih samouprava. Što je bilo do Kantona već smo realizirali, osigurali smo povećanje sredstava i isplatili naše podsticaje. Također smo već upućivali inicijative Federalnom ministarstvu poljoprivrede, vodoprivrede i šumarstva, kada je u pitanju proglašenje divlje svinje štetočinom i za izmjene zakona o poljoprivrednom zemljištu. Nažalost, inicijative nisu dobile podršku u Federalnom ministarstvu, ali ćemo mi te naše inicijative, sa dodatnim obrazloženjima uputiti ponovno”, kazao je ministar Begić, dodajući da je mljekarstvo strateška poljoprivredna grana i svjesna toga Vlada je za 70% povećala poticaje po muznom grlu. Premijer Halilagić također ističe da je nesporna dobra volja Vlade da pomogne poljoprivredne proizvođače. „Moramo naći način da pomognemo i da odobrovoljimo federalni nivo da i oni odgovore na probleme s kojima se susreću ne samo poljoprivredni proizvođači iz Tuzlanskog, nego i iz drugih kantona. A čujemo da su problemi veoma slični, ako ne i isti. Ono što je dobra strana jeste da su javni prihodi nešto bolji i kako se to može vidjeti, trudimo se da ta sredstva, kroz razne programe vratimo privredi, poljoprivredi i td. U tim smjeru sagledat ćemo mogućnosti i da, osim već planiranih 11,5 miliona KM, osiguramo i dodatna sredstva za podršku poljoprivrednim proizvođačima”, kazao je premijer Halilagić akcentirajući da nam svima predstoji da iznađemo način kako da sve ove mjere usmjere da se za rezultat dobije istinsko povećanje poljoprivredne proizvodnje. To je zadatak na kojem Vlada mora dobiti pomoć samih poljoprivrednih proizvođača.



Nagrade najboljima u turizmu...

## Dobitnici “Zvijezde turizma BiH” za 2022. godinu

Nagrade u turizmu prepoznaju rad kompanija, organizacija i pojedinaca



Privredna komora Federacije Bosne i Hercegovine dodijelila je nagrade Zvijezda turizma BiH najboljim predstavnicima turističke industrije čija su dostignuća i rezultati pomogli u razvoju ovog sektora u našoj državi.

Industrija putovanja i turizma jedan je od najvećih privrednih sektora u svijetu, koji je u predpandemijskom periodu stvarao preko 10% svjetskog BDP-a i stvarao preko 300 miliona radnih mjesta. Neosporno je da je pandemija COVID-19 stvorila jedinstven izazov za turističku industriju, ali je isto tako izvjestan snažan oporavak u 2022. godini. Nagrade u turizmu prepoznaju rad kompanija, organizacija i pojedinaca širom svijeta koji pozitivno utječu i inspiriraju turistički sektor kroz inovacije i znanje.

Prateći trendove koje postavlja UN-ova Svjetska turistička organizacija (UNWTO), kroz promociju novih trendova u turizmu i podršku prema onima koji odgovorno, održivo i aktivno rade na razvoju turizma, izbor za Zvijezdu turizma BiH prepoznaje i nagrađuje djelovanje predstavnika industrije čija dostignuća služe kao inspiracija za konkurentan i održiv razvoj turizma na lokalnom, nacionalnom, regionalnom i međunarodnom nivou. To je potvrdio i predsjednik Privredne komore Federacije BiH Mirko Šantić koji je kazao da je u devet kategorija odluku donio žiri, dok je 10. kategorija ustvari glas javnosti.

**“Ove nagrade su promocija naše zemlje kao turističke destinacije, a kompanije koje su dobitnici ovu nagradu će moći iskoristiti za unaprijeđenje poslovanja. Raduje nas da se turizam u BiH u 2022. godini oporavio, a sada nam je cilj da svi koji radimo u ovom polju, imamo turizam tokom cijele godine. Turizam također mora biti, ne samo u centrima, već u cijeloj BiH i ruralnim područjima”,** kazao je Šantić.

### Dobitnici nagrada po kategorijama:

- Hotelski smještaj: Liječilište Reumal Fojnica
- Tradicionalni smještaj: Kraljevsko selo Kotromanićevo Dobo
- Turistička organizacija: Turistička organizacija Grada Istočno Sarajevo Receptivna turistička organizacija: Sarajevo Card Sarajevo
- Pružatelj jedinstvenog bh iskustva: Continental Livno
- Gastro turizam: Čevabdžinica Hari Travnik
- Promotivna kampanja destinacije: knjiga “Putovanje kroz BiH” autora Zorana Matića
- Turistička atrakcija: Špilja Vjetrenica
- Turistička manifestacija: Međunarodni skokovi s vodopada u Jajcu
- Glas javnosti: Zašto BiH može biti broj 1 destinacija na svijetu - Robert Dacašin

U obraćanju prisutnima Dacašin je kazao da je sretan što je dobitnik jedne ovako vrijedne nagrade turizma u BiH. “Hvala vam na podršci i što svi zajedno radimo na ovome. Bio sam u skoro 90 zemalja svijeta, koliko god sam puta želio živjeti u BiH, sve više mi se ovdje ostaje i više cijenim stvari ove ovdje. I u narednim godinama dat ću sve od sebe da promovišem ove lijepe stvari, a svi mi ovdje radimo na tome i hvala vam”, kazao je Dacašin koji je prikazao ljepote Bosne i Hercegovine.

Menadžerica nagrađene čevabdžinice Hari Travnik Iman Hadžić je kazala da je porodična tradicija u trajanju više od 30 godina rezultirala globalnim uspjehom. “Kvalitet, poštovanost i ljubav su naš recept djelovanja. Najveći dijelom zaslužan za ono što je ‘Hari from Travnik’ danas, je nenadmašivi Harijev kolektiv”, kazala je Hadžić. Ove godine se na posebnu digitalnu platformu koja je kreirana isključivo za ovaj projekt, za nagradu “Zvijezda turizma BiH” prijavilo 80 kandidata u 10 kategorija.

D.K.



Obavještenje kandidatima...

## Seminar za pripremanje pravosudnog ispita

Seminar će trajati sedam vikenda - Prijave ostaju otvorene do popune mjesta - Datum početka seminara će se odrediti nakon formiranja grupe



Kantonalna privredna komora Tuzla obavještava sve zainteresovane kandidate da počinje formiranje grupe za organizaciju

### Seminara za pripremanje polaganja pravosudnog ispita.

Program seminara provodit će se na osnovu i u okviru Programa polaganja pravosudnog ispita od 11.10.2018. godine i Pravilnika o polaganju pravosudnog ispita od 11.12.2019. godine, izmjene i dopune od 18.3.2020. godine Federalnog ministarstva pravde.

Predavači na seminaru su članovi/ispitivači Komisije za polaganje pravosudnog ispita na nivou Federacije Bosne i Hercegovine.

Seminar će trajati 15 dana (7 vikenda) i obavljat će se u velikoj sali Kantonalne privredne komore Tuzla, uz poštovanje svih epidemioloških mjera, u skladu sa propisima nadležnih organa.

U toku seminara obradit će se materija iz krivičnog prava, građanskog prava sa porodičnim pravom, privrednog prava, upravnog i radnog prava, ustavnog sistema i organizacije pravosuđa. U okviru seminara realizirat će se i praktične vježbe (pismeni radovi) za polaganje pismenog dijela ispita iz krivičnog i građanskog, odnosno porodičnog prava. Nakon završetka obuke, polaznici će dobiti potvrdu o pohađanju seminara za pripremanje polaganja pravosudnog ispita.

Broj mjesta je ograničen na 30 kandidata. Prijave ostaju otvorene do popune mjesta.

Datum početka seminara će se odrediti nakon formiranja grupe.

Iznos kotizacije je 995,00 KM po polazniku. U cijenu je uračunat i PDV. Navedeni iznos se može platiti u tri rate.

Molimo, ukoliko ste zainteresovani za učešće na navedenom seminaru da popunjenu prijavu, u prilogu, pošaljete na e-mail edina@kpktz.ba ili fax broj 035 369 552.

Kontakt osoba Edina Kurtić, telefon broj 035 369 551.

**PRIJAVA na: <http://kpktz.ba/index.php/vijesti/1594-seminar-za-pripremanje-pravosudnog-ispita>**

### Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o dvije kancelarije površine po 14 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-550 ili putem maila [almir@kpktz.ba](mailto:almir@kpktz.ba), kontakt osoba Almir Mešić.



Javni poziv za usavršavanje...

## Usavršavanje za NO i UO, prijave za novu grupu

Javni poziv za dostavljanje prijava



KANTONALNA PRIVREDNA KOMORA TUZLA



Kantonalna privredna komora Tuzla prikuplja prijave za novu grupu za Usavršavanje predsjednika i članova nadzornih odbora i uprava privrednih društava sa učešćem državnog kapitala (prema Uredbi Vlade FBiH, "Službene novine F BiH", br. 71/09, 33/10, 23/11, 83/11, 2/13, 80/13, 48/15, 60/16 i 88/17). Početak edukacije je planiran za po formiranja grupe, a u zavisnosti od epidemiološke situacije, organizovat će se u prostorijama Komore u Tuzli ili online putem Zoom platforme, o čemu će odluka biti donesena neposredno pred početak.

Zainteresovani kandidati prijavu mogu izvršiti dostavom prijavnog upitnika (na web stranici Komore: [www.kpktz.ba](http://www.kpktz.ba)).

Potrebna dokumentacija:

1. prijavni upitnik
2. kopija diplome
3. uvjerenje o radnom iskustvu u struci

Cijena usavršavanja (edukacija, literatura, ispit i certifikacija) je 880,00 KM po polazniku, a informacije o rokovima i načinu uplate bit će Vam dostavljene nakon određivanja datuma početka. Prijave i sve dodatne informacije na mail: [edina@kpktz.ba](mailto:edina@kpktz.ba) ili putem faxa na broj 035/369-552 ili poštom na adresu Trg slobode bb, 75000 Tuzla.

Kantonalna privredna komora Tuzla  
Trg slobode bb, 75 000 Tuzla.


**Rok za podnošenje prijava kao i tačan termin početka usavršavanja, biće naknadno utvrđeni, po formiranju nove grupe polaznika.**

Upitnik na: <http://kpktz.ba/index.php/vijesti/1601-usavršavanje-za-no-i-uo-prijave-za-novu-grupu>



## PRIVREDNA KRETANJA U TUZLANSKOM KANTONU ZA I-IX 2022. GODINE


Obim industrijske proizvodnje, prema podacima za devet mjeseci 2022. godine (I-IX 2022), ostvario je rast od 0,7% u odnosu na isti period prošle godine. Rast obima industrijske proizvodnje je ostvaren u kategorijama intermedijarnih proizvoda 7,0% i netrajnih proizvoda za široku potrošnju 1,1%, dok je došlo do pada proizvodnje energije 4% i trajnih proizvoda za široku potrošnju 4,6%. Proizvodnja kapitalnih proizvoda je ostala na istom nivou kao i prošle godine u ovom periodu.



Industrijska proizvodnja I-IX 2022/ I-IX 2021 (%)

Ukupni izvoz iz Tuzlanskog kantona za devet mjeseci 2022. godine iznosio je 2.038,8 miliona KM što je za 37,9% više u odnosu na nominalnu vrijednost izvoza u istom periodu 2021. godine. U istom periodu ostvaren je uvoz u vrijednosti od 2.209,8 miliona KM, što je rast nominalne vrijednosti uvoza od 34,2% u odnosu na isti period prošle godine. Ostvaren je vanjskotrgovinski deficit od 252 miliona KM, a pokrivenost uvoza izvozom je 89%. Najveći izvoz je u hemijskoj i metaloprerađivačkoj industriji, a najviše izvoza je otišlo u Rusku Federaciju (469,1 milion KM), Austriju (345,3 miliona KM) i Njemačku (299,2 miliona KM).

I-IX 2022	Izvoz (000) KM	Uvoz (000) KM
Hrana i piće	50.782	171.631
Industrijski materijali	833.473	954.447
Goriva i maziva	376.509	453.843
Kapitalni proizvodi	299.490	329.178
Transportna sredstva i dijelovi	118.600	112.429
Proizvodi za široku potrošnju	349.509	262.277



Prema podacima koje objavljuje Porezna uprava Federacije BiH, u periodu januar-septembar 2022. godine, u Tuzlanskom kantonu je naplaćeno javnih prihoda u iznosu od 810.179.413 KM što je 15,7% više u odnosu na isti period 2021. godine. Sa ovim iznosom naplate, Tuzlanski kanton je drugi u učešću u ukupnoj naplati javnih prihoda u Federaciji BiH, odmah nakon Kantona Sarajeva, sa učešćem od 17,14%. U istom periodu, ukupni promet fiskalnih uređaja gradova i općina Tuzlanskog kantona iznosio je 8.063 miliona KM što je 19% ukupnog prometa u Federaciji BiH za posmatrani period.

Prema podacima Porezne uprave Federacije BiH, 30.9.2022.godine u Tuzlanskom kantonu je, po prebivalištu zaposlenika, bilo 103.774 zaposlenih.

30.9.2022.	Zaposlenost	Nezaposlenost
<b>UKUPNO</b>	<b>103.774</b>	<b>68.807</b>
Banovići	6.326	3.768

Čelić	1.271	2.146
Doboj-Istok	2.475	1.856
Gračanica	10.762	6.884
Gradačac	9.418	5.880
Kalesija	5.881	5.942
Kladanj	2.077	1.959
Lukavac	10.980	6.962
Sapna	806	1.873
Srebrenik	8.261	6.409
Teočak	690	1.201
Tuzla	31.923	14.317
Živinice	12.904	9.610

Prema podacima Službe za zapošljavanje TK, na kraju septembra 2022. godine, na evidenciji je bilo prijavljeno 68.807 nezaposlenih osoba, od čega 45.516 (66,15%) stručnih i 23.291 (33,85%) nestručnih. U ukupnom broju nezaposlenih je 44.121 žena, od čega je 14.808 nestručnih. U ukupnom broju nestručnih nezaposlenih osoba (23.291), udio nestručnih žena je 63,6%. 20.393 nezaposlenih traži svoje prvo zaposlenje. Prema starosnoj strukturi, 38.453 (55,9%) nezaposlenih je starije od 40 godina. Najviše nezaposlenih na evidencijama Službe za zapošljavanje je prodavača, maturanata gimnazije i diplomiranih ekonomista.

Nezaposleni	Ukupno	Žene	Nezaposleni	Ukupno	Žene
VSS	4.392	3.174	VKV	175	40
VŠS	220	139	KV	21.412	11.428
SSS	19.317	13.604	PKV	788	388
NSS	12	8	NKV	22.491	14.412


Prosječna neto plata u Tuzlanskom kantonu u septembru 2022. je iznosila 1.046 KM što je ispod prosjeka Federacije BiH. U odnosu na kantonalni prosjek iz 2021. godine, neto plaća je veća za 15,5%. Najviše prosječne neto plate su u sektoru proizvodnje i opskrbe el.energijom (1.846 KM), dok su najniže prosječne neto plate u ugostiteljstvu i hotelijerstvu (707 KM).

Djelatnost	Tuzlanski kanton	
	Neto plaća (IX 22)	IX 22/ 2021 %
A Poljoprivreda, šumarstvo i ribolov	894	4,0
B Vađenje ruda i kamena	1.317	22,3
C Prerađivačka industrija	856	19,2
D Proizvodnja i snabdijevanje el.en., plinom	1.846	9,0
E Snabdijevanje vodom i uklanjanje otpadnih voda	1.021	14,0
F Građevinarstvo	787	25,9
G Trgovina na veliko i malo	795	19,0
H Prevoz, skladištenje i komunikacije	792	12,5
I Hotelijerstvo i ugostiteljstvo	707	35,7
J Informacije i komunikacije	1.670	18,8
K Finansijske djelatnosti	1.415	4,3
L Poslovanje nekretninama	917	6,0
M Stručne, naučne i tehničke djelatnosti	1.162	8,4
N Administrativne i pomoćne uslužne djelatnosti	906	34,4
O Javna uprava i odbrana	1.499	14,8
P Obrazovanje	996	18,7
Q Zdravstvena socijalna zaštita	1.552	4,5
R Umjetnost, zabava i rekreacija	930	12,9
S Ostale uslužne djelatnosti	1.087	7,2

**STRUČNA SLUŽBA KOMORE**



THE CHAMBER OF ECONOMY OF TUZLA CANTON



**TUZLA CANTON**

Your Business Partner

